



Publicaziuns dalla vischnaunca, jamna 21

Serrada dalla Via Run e sendas

Muort lavurs da transports da lenna cun suga egl uaul Run vegn la Via Run serrada naven dils 28 d'avrel entochen ils 30 da matg 2014 mintgamai ils luvendis dallas 6.30–18.30 per tut traffic. Era la senda sil tschancun da Davos Casti entochen Plaun Panazauns ei serrada duront quei temps. Nus supplichein da prender enconuschientscha da quest avis. Bien engraziament per la capientscha

Uffeci forestal Disentis/Mustér

Administraziun communal e survetschs technics – Informaziun

Muort in arranschament intern resta il spurtegl dall'administraziun communal serraus **venderdis suentermiezdi, ils 23 da matg 2014**. Era ils survetschs technics porschan quei suentermiezdi buca lur survetschs.

Bien engraziament per Vossa capientscha.

Direcziun communal

Resultats dallas elecziuns e votaziuns dils 18 da matg 2014

Diember dils votants	1584
Participaziun alla votaziun	50,32%

Dau giu cedels	797
Cedels vits	49
Cedels nunvaleivels	5
Total cedels vits e nunvaleivels	54
Cedels valeivels	743

Vuschs han obteniu:	
Cavigelli Mario	655
Janom Steiner Barbara	413
Parolini Jon Domenic	354
Rathgeb Christian	265
Jäger Martin	189
Brand Heinz	180
Kappeler Jürg	63
Ulteriurs:	78

Elecziuns Cussegl grond	
Diember dils votants	1584
Participaziun alla votaziun	47,73%

Deputai dil Cussegl grond	
Dau giu cedels	756
Cedels vits	85
Cedels nunvaleivels	6
Total cedels vits e nunvaleivels	91
Cedels valeivels	665

Vuschs han obteniu:	
Berther Heinrich	530
Epp René	399
Tomaschett Maurus	328
Degonda Erwin	305



Tomaschett-Berther Gabriela 300

Müller Roman 27
Ulteriurs: 94

Suppleants dil Cussegl grond

Dau giu cedels 720
Cedels vits 100
Cedels nunvaleivels 11
Total cedels vits e nunvaleivels 111
Cedels valeivels 609

Vuschs han obteniu:

Cajacob Francestg 385
Berther Clemens 362
Tuor Curdin 263
Collenberg Fabian 220
Schmid Toni 198
Maissen Pablo 73
Ulteriurs: 57

Votaziuns federalas

Diember dils votants 1584
Participaziun alla votaziun 58,84%

Conclus federal davart il provediment medicinal da basa (cunterproposta directa all'iniziativa dil pievel «Gie

alla medischina da famiglia»)

Dau giu cedels 899
Cedels vits 42
Cedels nunvaleivels 4
Total cedels vits e nunvaleivels 46
Cedels valeivels 853
Gie 730 86%
Na 123 14%

Iniziativa dil pievel «Per che pedofils astgien buca pli luvrar cun affons»

Dau giu cedels 928
Cedels vits 14
Cedels nunvaleivels 4
Total cedels vits e nunvaleivels 18
Cedels valeivels 910
Gie 560 62%
Na 350 38%

Iniziativa dil pievel «Per la protecziun da salaris gests (Iniziativa per salaris minimalis)»

Dau giu cedels 915
Cedels vits 4
Cedels nunvaleivels 4
Total cedels vits e nunvaleivels 8
Cedels valeivels 907
Gie 127 14%
Na 780 86%

Lescha federala davart il fond per cumprar gl'aviun da cumbat Gripen

Dau giu cedels 932
Cedels vits 6
Cedels nunvaleivels 8
Total cedels vits e nunvaleivels 14
Cedels valeivels 918
Gie 442 48%
Na 476 52%



Administraziun communal

Sur Anceinza ei l'administraziun communal serrada naven da **mesjamna, ils 28 da matg 2014, allas 16.00 entochen gliendisdis, ils 2 da zercladur 2014** allas 9.00.

Administraziun communal

Sera d'orientaziun e discussiun

Invit

informaziun envida la suprastonza communal **venderdis, ils 6 da zercladur 2014** allas 20.15 en halla Cons ad ina sera d'orientaziun e discussiun publica. Sper la presentaziun dil project vegn monsignur avat Vigeli Monn a presentar ils projects en connex cun il giubileum da 1400 onns claustra benedictina.

Suprastonza communal

Pleiv s. Gions Mustér

Lavar ora la baselgia

L'uniun da dunnas e la pleiv s. Gions envidan umens e dunnas da vegnir a segidar cun lavar ora la baselgia s. Gions e quei **mesjamna, ils 4 da zercladur** allas 8.00. La sera envida la pleiv tuts gidonters ad ina sempla tscheina.

Cumiau dallas soras dad Ingenbohl

Ils 19 da matg han las davosas duas soras dad Ingenbohl, sora Giuanna Solér e sora Madleina Desax priu cumiau da nossa vischnaunca e pleiv. Nus lessan engraziar aunc inaga ad ellas duas sco era a tuttas soras ch'ei stadadas a Mustér ed ein segidadas cunzun ella pleiv. In cordial engraziament admettein nus era alla claustra d'Ingenbohl che ha possibilitau quei survetsch durant biars decennis.

La suprastonza dalla pleiv s. Gions

Apparats d'udida

Gliendisdis, ils 26 da matg 2014 saveis Vus schar schubergiar e regular Vies apparat d'udida el Center da sanadad Sursassiala SA a Mustér, Via Cons 11, naven dallas 14.00–16.00. L'uniun Pro Audito Cuera, cun signur Arthur Jacomet fa quei survetsch per tuts interessents gratuitamein.

Cordiala invitaziun
Center da sanadad Sursassiala SA

Societad da musica Disentis/Mustér

Concert Primavaun/Giubileum 40 onns tamburs

La Societad da musica Mustér envida cordialmein al concert primavaun 2014 ed al giubileum da 40 onns tamburs.

Cu: sonda ils 24-5-2014 e dumengia ils 25-5-2014

Nua: halla Cons

Cu: la sonda allas 20.00 e la dumengia allas 14.00

Direcziun: Aluis Hosang, Martin Bass



La sonda suenter il concert envida la Societad da musica Mustér ad ina stiva da caffè per in e scadin. Entrada libra, collecta. Ei fa plascher d'astgar beneventar Vus a nies concert.
Mira inserat dils 23-5-2014

Ludoteca Disentis/Mustér

8avel di naziunal da giugs, sonda, ils 24 da matg 2014, dallas 13.30–16.30 giugs en ludoteca ed entuorn la halla Cons tier il tema aua.
Spezial: Fontauna da giavischs!

Cordialmein envida

il team dalla ludoteca disentis/mustér

Rimnada da launa

Sonda, ils 24 da matg, allas 9.00–11.00, parcadi Pendicularas Mustér.

Societad da tir Desertina

Tir obligatoric 2014, stan da tir Sedrun la Resgia

Anceinza, ils 29-5-2014, 18.00–20.00.

Gliendisdis Tschuncheismas, 9-6-2014, 18.00–20.00

Dumengia, ils 17-8-2014, 17.30–19.00

La societad da tir envida era al tir campester 2014

Venderdis, ils 30-5-2014, 18.00–20.00

Sonda, ils 31-5-2014, 16.00–19.00

Societad da tir Desertina

Biblioteca populara Disentis/Mustér e contuorn

Bursa da brat

Nus essan buca mo ina biblioteca cun medias actualas nus essan era ina bursa da brat per maletgs da panini

Cura? **Gievgia, ils 5 da zercladur 2014 dallas 16.00**

entochen allas 17.30. Nua? Biblioteca populara Disentis/

Mustér e contuorn casa da scola Cons, 7180 Mustér

Cuorsa dil Rein

Preziadas vischinas, preziai vischins

Dumengia, igl 1. da zercladur 2014 ha liug la 7. Cuorsa dil Rein. L'occurrentza sespleiga denter las 10.30 e las 15.30. Duront quei temps eis ei da quintar cun impediments entras curridras e curriders sin suandontas vias dallas vischnaucas da Mustér e Tujetsch:

Via Aletta–Via Luzzas–Via Sut Baselgia

Via Glaretsch–Vitg da Segnas

Via Tguinter

Via Bugnei

Via Niriël

Via Surrein/Cavorgia

Via Cavorgia-sut

Via Valzeinza

Via Raviul–Via Salez e Via Buretsch



Via Cuoz
Senda Cavorgia–Mumpé Medel
Via Mumpé Medel–Senda Cufllons/S. Gada
Via S. Catrina–Funs-dado–Via da Paders

Via Claustra
Via Sursilvana denter Mobilias Fry e Via Disla
Via Disla
Via Brulf
Via Cavardiras
Senda Brulf–Fontanivas
Senda Fontanivas–Cufllons

Bien engraziament per Vossa capientscha e Vies sustegn! Ulteriuras informaziuns ed annunzias sut www.cuorsadilrein.ch. Cordials salids igl ok

la Cuorsa dil Rein

Uniun da dunnas

Lavar ora la baselgia

Mesjamna, ils 4 da zercladur lavein nus ora la baselgia. Nus essan fetg engrazievlas a mintgina che pren la peda da vegnir e segidar cun nus. Era umens ein cordialmein beinvegni. Nus entschevin allas 8.00. Ils zenns tuccan. Prendei cun vus: lumpa, barschun e sadiala. En cass da mortori vegn il datum refiers sils 11 da zercladur.

Grond engraziament per vies agid.

Las calustras e la suprastonza dall'uniun da dunnas

Uniun samaritana Mustér

Exercezi regional dallas uniuns samaritanas Tujetsch, Medel e Mustér a Medel Gliendisdis, ils 2 da zercladur 2014

L'Uniun samaritana Mustér serimna allas 19.00 avon halla Cons. Equipament: resti cauld, buns calzers e cazzola da maun. Igl exercezi ha liug da tutt'aura.

Suenter igl exercezi vegn purschiu a tuts participonts in pign puschegn el «Hotel Cuntera». Sperond sin ina stedia participaziun salida cordialmein.

la presidenta

Preavis

3. Zavrada da nuorsas, ils 27-9-2014

La 3. Zavrada da nuorsas ha liug **sonda, ils 27 da settember 2014** a Mustér/Salaplauna.

La fiera da products da nuorsas ed auters products regional ha liug dallas 10.00–16.00. Annunzias per in stan da fiera saveis Vus far a info@agricultura ni tel. 081 936 48 00. Nus fagein gia ussa in cordial beinvegni alla 3. Zavrada da nuorsas a Salaplauna. Ils purs e las puras da l'alp Lumpegna ed il Center sursilvan d'agricultura.